

Lxxv. Pm
4° 90229
65213
Q. D. B. V.

DISPUTATIO INAUGURALIS MEDICA

De

FEBRIFUGA

CHINÆ - CHINÆ

VIRTUTE,

Quam

Auxiliante DEO T. O. M.

AUTHORITATE & CONSENSU

Gratiosissimæ FACULTATIS MEDICÆ

in

INCLUTA ALTDORFINA

Pro

LICENTIA

Summos in ARTE MEDICA Honores,

immunitates, & Privilegia Doctoralia

ritè obtinendi,

Eruditorum solenni placidæq; ventilationi

subjicit

CHRISTIANUS JOHANNES HORBIUS,

Trarbaco-Mosellanus.

Ad d. 23. Junii, A. O. R. M DC XCIII.

Excudebat HENRICUS MEYER,
Univ. Typogr.

Lib. XXVIII 8339
Horbius

CHINE-CHINE

VIRTUTE.

15213

DEO T. O. T.

EXCULTA ALTDORFIA

LICENTIA

in Arte Medica / Honores

in Arte Medica / Honores

in Arte Medica / Honores

in Arte Medica / Honores

in Arte Medica / Honores

I. N. F. C.

P R Æ F A T I O.



ST hic omnium Mortalium, adeoq; & Medicorum error, nova quæq; & subita & peregrina, velut de Coelo lapsa extollere, & cum in uno alteroq; remedium feliciter cesserit, universæ morborum familiæ velut Panacæam quandam destinare, mox iterum ubi præcipiti famæ eventus non respondet, elogia in crimen vertere, & quod in uno alteroq; casu fidem non servaverit, in totum velut damnosum proscribere: *ita* Excellentissimus PECHLINUS in Dedicatione Dialogi de Potu Theæ. *Experta hanc fortunam præ reliquis est hæcenus* CHINA-CHINÆ, *experiturq; illam ad hunc usq; diem, dum laudes ejus invidendæ nonnullorum apud alios in calumniam abeunt. Exclamant non pauci:*

Cessat Quartana Medicinâ Peruvianâ:

Nam patefactâ illâ, sunt

Hydrops, Quartana, Medicorum Scandala vana.

Sed regerunt plures, postquam scil. illam frustra sæpius propinari, aut recidi-væ parere, vident:

Parturiunt montes, nascetur ridiculus mus.

Observans ergo *has Doctorum dissentientes adeò opiniones, in CHINÆ-CHINÆ virtutem studiosius inquirere* horis subcisi-vis cœpi, & inde mihi natæ sunt præsentès thesès, quas loco Thematis Inauguralis nunc exhibeo. Tu interim Archiatrorum Archiater, æternæ DEVS, largire benignus, ut hujus mei laboris lucrum faciam Tuam gloriam, Lectorum æquitatem, & studiorum meorum incrementum!



§. I.

Anta profecto est gravitas, nominis gentilis nostræ CHINÆ-CHINÆ, tantaq; multitudo cognomen-
torum, ut vel ex his solis quis ejus Excellentiam ac
virtutem oppidò singularem hariolari possit. Dum
enim propriissimo & usitatissimo hoc nomine saluta-
tur, minime arvi natalis indigitandi gratia id fit, qui vulgi &
nasutulorum quorundam Myropolarum est error, idcirco etiam
Corticem Chinensem, aut Sinensem dicentium. Multo minus
bis repetita Chinæ voce, hoc medicamentum distinguere à ra-
dice Chinæ in animo fuit illis, qui nomen medicamento huic
imposuerunt; nullus enim facile errori hic locus, nisi quis ho-
spes omnino in materiâ medicâ fuerit. Verum cum Indis Quinæ
appellatione febris significetur, puto, pro exhaustiendâ egregiâ
facultate pellendi febres, duplicatum esse nomen, ita ut idem
significet apud Indos Quinquina, Kinkina, Kina Kina, Cina Cina,
quæ synonyma ipsis familiaria, ac nobis Febrium Febris, h. e.
mastix, domitor, aut everfor hujus morbi strenuus; Hinc Italîs,
etiam κατ' ἐξοχήν Corteccia della fiebre, Hispanis Palos de Calen-
turas vel Cascarilla della Oja, notante *D. Francisco Redi*, & Latinis
Cortex febrilis aut febrifugus, aliisq; barbarè satis, Antiquartius
pulvis audit.

II. Quoad reliqua ejus cognomina, dicitur pulvis Comitissæ,
pulvis Cardinalis, pulvis patrum vel Jesuiticus, medicamentum
Talbotii, Cortex Indicus, Pulvis Americanus, Lignum de Lima,
Cortex Peruvianus &c. Primum nomen gerit ab Uxore Comitissæ
del Cinchon Proregis Regni Peruviani, quæ ex febre tertianâ ex-
quisitissimâ in civitate Limâ dictâ, metropoli Peruvix decumbens,
primum vires hætenus studiosissimè ab incolis, ex odio in Hispa-
nos, occultatæ CHINÆ-CHINÆ experta est, cum omnium
Europæorum tum temporis Limam inhabitantium stupore ac ap-
plausu, pulveris Comitissæ titulo, Medicamentum hoc subsequen-
tibus temporibus salutantium.

III. Pulvis Cardinalis vocatur à Johanne de Lugo, è Soc. Je-
su, Romanæ Ecclesiæ Cardinali. Indies namq; magis magisq;
cre-

crescente famâ hujus febrifugi experientissimi, non solum per Indiam & Hispaniam (quorû interea Prorox del Cinchon reversus erat) ad dictum Purpuratum Patrem Italiâ usq; ac Romam quoq; pervenit (erat enim Patriâ Hispalensis): unde re adeò insigni, nondum ab ullo alio Medico visâ commotus, copiam sibi acquisivit nostri medicamenti, distribuendoq; istud cum effectu exoptato, effecit, ut quibus profuerat, ab officio eminentissimi hujus dispensatoris, vocaverint hætenus appellatione propriâ carentem pulverem.

IV. Ex eodem fundamento Patrum & Jesuitarum pulvis audit, sive quod gratis distribuierint ægrotantibus religiosis & egenis incognitum hoc remedium, vel teste *Blegny tr. de Remedio Anglico in Cura februm*, pro aureo nummo pondus ʒij. in usum divitum divenderint, sive quod primi ex Italia in Belgium secum tulerint februm & in specie quartanæ hunc domitorem, ex mente *Job. Jacob. Chiffletii tr. Pulvis febrifugus Orbis Americani*.

V. Nec alia est causâ, quamobrem Medicamentum Talbotii, aliis Talborii vocitetur. Nam Medicus hicce circumforaneus, natione Anglus (hinc quoq; à *Blegny tr. cit.* aliisq; Gallis communiter medicamentum hoc Anglicum inscribitur.) Lutetiæ Parisiorum ob felicissimos in curandis febribus eventus, ita paucis retrò annis inclaruit, ut non solum ad Principum Virorum, verum etiam Serenissimi Delphini curam, ex febre decumbentium admissus ex voto illos restituerit, unde non solum copiosissimis divitiis oneratus est, sed famam etiam sibi acquisivit tantam, ut ipsius cognomen huic Medicamento impositum fuerit.

VI. Quæ restant synonyma, à terrâ patriâ sunt petita, nunc generalissima, dum Americanus & Indus, nunc specialiora, dum Peruvianus Cortex audit, lignumq; de Lima, quam civitatem utpote sedem Regiam pro toto regno, & lignum pro quâvis parte arboris, Rhetorico stylo, dubio sine sumunt, qui ultimo hoc nomine delectantur. Nam si fides habenda est illis, qui oculatos testes se profitentur, (quorum è censu imprimis *M. Antonius Bollus* meretur nominari, mercator Genuensis, qui per multos annos in Peruviâ commoratus est, historiamq; CHINÆ-CHINÆ, in linguâ Italicâ edidit satis accuratam) in Regno Quitensi, peculiari quodam loco, sermone indigenâ Loxa sive Loja vocatò, intraq;

montium coronam posito, ab urbe Quito sexaginta ad minimum Leucas distante, nascitur sponte suâ arbor, CHINÆ-CHINÆ nostræ Genitor, ab incolis Gannaperis vel Gannaperide dicta.

VII. Faciem ejus quod attinet, aliam exhibet *Bartholinus Centur. V. Histor. 50.* & *Jonstonus Dendrographiæ p. 476.* aliam *Josephus Donzellus Theatr. Pharmaceutico*, quæ quomodo toto cœlo diversæ sint, videre est ex tract. *Febris China-Chinæ expugnata, circa initium.* Ne verò iconis diversitatem ex Chalcographi errore forsan natam solum existimes, scias etiam descriptionem utriusq; non concordare. Ita enim BARTHOLINVS: *Arbor magnitudine cerasum æquat, foliis juniorem quercum refert, cujus itidem fructus cum glande aliqualem similitudinem gerunt.* Donzellus autem frondes, pruni rubei foliis assimilat, floresq; ejus ex albo & cœruleo mixtos, & fructus cardamomi similes dicit. Cum quâ perfectè convenit descriptio à *Johanne Rajo, Hist. Plantar. lib. 32. p. 1796.* exhibita, cujus rami Iconem, ex Italiâ ad regiam societatem Londinensem missam per *Dn. Goodall. M. D.*, obtinuit. Nam folia, sic ejus sonant verba, videntur similia cum his, quæ sunt prunorum rubeorum, scil. nec nimium patulis, nec acuminatis, præterea filamentis intertexuntur, & per lineas finduntur. In floribus videtur convenire cum floribus malorum puni-
corum, qui caliculum coronatum referunt. Addit tamen p. 1797. se commonefactum à *Tancredo Robinson M. D.* iconem folii arboris febrifugæ in Museo Viri Clarissimi *D. G. Courtine* asservatam, non benè quadrare figuræ *D. Goodall.* (quam etiam æri incisam *Fr. Rhedi, experim. naturalium p. 143.* exhibet) quia folium non usq; adeo acuminatum, sed acutius & subrotundum esse videtur, quale ferè cernitur in *Ponnâ* & *Isireou-Ponnâ Horti Malabarici*, quæ Indis appellatur *Kina*, ex observatione ejusdem *Robinsoni.*

VIII. Cui ergo horum fides est habenda? si, quid sentiam dicere est permissum, arborem à *Bartholino* & *Jonstono* depictam non Gannanaperidem Indorum esse puto, sed caryophyllorum: satis enim expressis verbis *Bartholinus* Cassiam Caryophyllatam pro CHINA-CHINÆ venditat, deceptus sine dubio descriptione Corticis hujus minus adhuc cogniti, qualemq; etiam *D. Ammannus* Professor olim in *Lipsiensi Academia* Celeberrimus in dissertatione de *Antiquartio Peruviano, 1663.* habitâ, exhibet his verbis: *Quod sit cortex odoratus in morem caryophyllorum, adeoq; descriptioni Cassiæ Ca-*
r-
ryo-

xyophyllata Pisonis, *Mantiss. Arom. c. 2. p. 169. omnino conveniens*.
Discrepantia etiam, quam inter folia à *Dn. Goodall & Rhedi* depicta, & inter *Dn. Courtine* annotavit *Robinson*, non tanta mihi videtur, ut *Donzelli* Iconem reddat suspectam, cum nunc recentia vel tenera, nunc firma ac corrugata quodammodo folia, diversis temporibus depicta, ansam huic dubio facile ministrare poterint.

IX. Et hæc de solo natali, ac arbore sufficiant, nunc de ipso medicamento. Monui supra §. 6. figuratè loqui illos, qui medicamentum nostrum lignum vocant de Lima, cum lignum hujus arboris, uti nullâ amaritie, ita nec vi antifebrili donatum sit, testante *Hieronymo Bado à Mortono Pyretologia p. 118. citato*. Verùm cortex solummodo arbori huic detractus constituit illud adeò celebratum febrifugum: hincq; observavit citatus *Bollus*, arbores istas Peruvianas omni Cortice sine noxâ ab incolis spoliari, sicq; exutas non lædi, sed potius juvari, ut insequentibus annis cum fœnore reddant adeò desideratum remedium. Nescio itaq;, quâ fronte *D. Spon* in libro *observationum sur les fievres, & les febrifuges*, audeat dicere, se accuratâ ac diligenti inquisitione habitâ comperisse, dictum Peruvianum Corticem non trunci aut ramorum arboris esse, sed radicem: hunc enim solum amarum, illum insipidum deprehendi, prout in particulis quibusdam ad se missis observasse refert. Quidsi autem alius Cortex insipidus, aut temporis tractu cariosus, ac iners factus, aut castratus, jam jam à Myropolâ nequam genuino febrifugo fuisset admixtus, aut ejus in locum substitutus: quod fraudis genus *Blegny de medicamento Anglico*, ut admodum frequens commemorat.

X. Sed hæc externa tantum sunt nostri febrifugi, transeamus proinde ad interna. Qui Peripateticorum in Scholis edocti sunt Medici, naturam ejus explicantes, partim fugiunt ad qualitates occultas, inq; illis Virtutem febrifugam quærunt, quale videre est ex *Sebastiani Badi Medici Genuensis tract. cui titulus Anastasis Corticis Peruviani 1663. edito*; partim in qualitatibus manifestis quærunt, & hi quoad maximam partem Corticem pronuntiant calidum & siccum, & quidem in gradu secundo & tertio, illudq; ex hoc fundamento, quoniam masticatus linguæ imprimit saporem amarum & acrem, calore manifesto, non tamen excedente organum hoc

gustûs afficiente. Conf. *Rolandus Sturmius*, & *Gaudentius Brunatius*, de hoc Cortice ex professo scribentes. Ex eodem fundamento quoq; Professores Placentini & Mediolanenses, ubi res agebatur Cardinalis Doug hi febre tertianâ nothâ laborantis, referente *Bado l. I. c. XV. Anast.* & Medici Londinenses in casu *Johannis Lucæ Duratii*, Legati, Vim corticis febrifugam mordicus ac acriter impugnarunt. Vid. *Morton. loc. cit. p. 125.*

XI. Sunt alii, è quibus *Rochus Cassatus à Mortono p. 127.* allegatur, qui frigidum pronuntiant, exemplo id comprobantes *Opii*, quod licet amarum sit, linguæ impositum, adeoq; probabiliter calidum, assumtum tamen torporem spiritibus conciliando, frigiditatem suam ad sensum sistat.

XII. Non ero prolixus in utriusq; hujus opinionis fundamento examinando, quod quaternioni Elementorum, & ex hac resultantibus qualitatibus primis, jam dudum à recentioribus Physicis destructis innititur. Id saltem liceat adducere, causam vulneratam ab ipsismet defensoribus prodi, dum ex uno fundamento h. e. amaritie contrarias eliciunt hypotheses. Qui verò ad occultas confugiunt qualitates, aliquid dicendo, verè nihil dicunt, ignorantiamq; suam produnt cunctis, dum ad inscitia hoc asylum tam audacter decurrunt.

XIII. Sed condonari facile his error iste potest, ex falsâ hypothesis Philosophicâ in Medicinam translatus. Dantur verò alii, qui antiquitatis nimiâ veneratione ducti insanis præceptis medicamenta olim adversus febres recepta æstimantes, nova omnia contemnunt, despuunt, imò tanquam portenta horrent & averfantur. Ex horum censu sunt imprimis *Jacobus Chifletius*, & *Vopiscus Plempius*, è quibus primus conqueritur de Corticis caliditate, & quod igneus ejus calor Corpus exsiccet, accendat, torreatq; imbecilla præcordia, nativum calorem dissipando, vitæq; illud pabulum consumendo, pluraq; alia damna in corpore excitando. Alter verò dicit, plerosq; ægros exinde Cachecticos reddi, aut extenuari, & ad phthisin disponi, non nullos verò planè interfici. His tamen respondeo cum *Sebastiano Bado Anast. C. 2. maledicendi libidine*, non veritate ductos irruere in innocens hoc Medicamentum. Nullus enim unquam Medicorum causticam illam ac deletoriam qualitatem exceptis his adversariis observavit. Et si fortè effectus ejusmodi infelix

felix fecutus fuerit, non medicamento adscribendus venit, sed Medico imprudenter pulverem illum forsan adhibenti, prout ex aliis remediis planè infontibus ad ipsum toto die observamus, adeò ut commodè huc applicari illud Poëtæ possit.

Temporibus Medicina valet, data tempore profunt:

Et data non apto tempore Vina nocent.

XIV. Mittamus ergo hos, convertimusq; nos ad recentiores magis, inter quos tamen rursus diffensum deprehendere licet; maxima illorum pars, ex nimio amore acidi & alcali, quæ cum *Tachenio* pro Corporum principiis habent, alcalicam naturam occultam quidem, sed fixo sali vicinam febrifugo inesse sibi persuadent, præeunte *Ettmüllero* *disp. de præcipitantium usu & abusu* cap. 3. §. 6. Sed dabunt mihi veniam si illam CHINÆ-CHINÆ nostræ adscriptam vim alcalicam mihi persuaderi haud patiar. Ne tamen sine prægnanti ratione tot tantisq; Viris reclamare videar, apponam rationes hujus mei diffensûs.

XV. Cum gustus vix unquam accuratè \ominus ia possit determinare, imprimis quæ cum aliis particulis sunt combinata, affusione acidi, solutione \oplus li & \otimes ti tandemq; Syrupo Violarum certius dignoscere alcalia, ab aliis \ominus ibus in Scholis Chymicis didici. Scilicet concreta, quæ alcali in se habent, ebulliunt cum acidis. Feci hinc periculum ac solutionem non solum Chinæ, verum pulverem etiam hujus Corticis, cum \cup tu \oplus i, \ominus is, \oplus li, Viridis æris, aqua Forte, & aqua Reg. Aceto &c. commiscui, nullamq; vidi effervescentiam. Et ne forsan ab adulteratâ aut effoetâ CHINA-CHINÆ deciperer, ex diversis officinis uno tempore mihi afferri curavi illam, sed semper idem effectus observabatur, h. e. nullus planè strepitus. Assumsi hinc, quibus similis Alcalica adscribitur virtus, Corticem Tamarisci, Fraxini, Guajaci, Rad. Tormentillæ, Bistortæ, Veronicam, Rosas rubras, Theam &c. infudi & hæc in Δ æ q. f. verum nec ab his cum acidis mixtis, ullus motus excitatus est, ebullitionem æmulans.

XVI. Alcalia præcipitant, aut saltim turbant solutionem \oplus li, axioma est Tachenicorum hætenus infallibile. Affudi hinc decoctum CHINÆ-CHINÆ, cum aquâ factum, solutioni \oplus li, illamq; exin obscure viridescere & tantum non nigrescere, minime

mē turbari, aut præcipitari vidi. Nec tale quid annotare potui ex solutione Veronicæ, quæ pariter solum viridescebat, quamvis majori cum nigredine. Infusum Theæ subfusco tantum pingebat colore dictam solutionem: Bistortæ verò & Tormentillæ ex nigricante Violaceum communicabant colorem, saltem ex paucis guttis instillatis.

XVII. Infidum & hujus experimenti observans successum, assumpsi Syrupum Violarum, cujus Color cœruleus ab Alcalicis ordinariè in viridem mutatur. Admiscui ergo solutionem CHINÆ-CHINÆ, & ecce viridem assumebat colorem in momento, licet non adeò saturatum. Instillavi Theæ infusum, viridescebat & hoc, quamvis non adeò sensibiliter, & talem etiam acquisivit faciem à Veronica, utut obscuriorem: ex Bistortæ verò decocto, ac Symphyti Majoris, fuscum & obscurissimum assumsit colorem. Quid ergo ad hæc? non canon ille firmus; Quicquid Colorem Syrupi Violarum cœruleum convertit in viridicantem, est Alkali? Respondeo: est omnino firmissimus, sed limbo illum, nisi liquor adhibitus flavus colore fuerit: nam si tum viridescat, Syrupus nil probat, cum omni tempore ex cœruleo quovis & flavo pigmento componi possit viride.

XVIII. Et ne dubites, genuinam hanc rationem transformationis cœrulei syrupi in viridem esse, feci tandem experimentum cum solutione O_2 ti, quæ aliàs ab omni Alkali Volatili lactescit, à fixo verò rutilescit plus minus. Sed nullam observare potui mutationem in limpidâ hac & pellucidâ solutione, nec à CHINA-CHINÆ, nec Tormentillâ, Theâ, Bistortâ, Veronicâ, Symphyto &c. Hinc firmiter concludo, Alkali fixum CHINÆ-CHINÆ, & reliquorum Vegetabilium consimili sapore præditorum, esse merè fictitium quid.

XIX. Transeat ergo & hæc hypothesis, accedatq; altera à *Willisio*, *Sydenhamo*, *Piensi*, *Blegny*, plurimisq; aliis approbata, quæ styptico-amarum pronunciat febrifugum. Utrumq; horum attributorum linguâ determinari potest certissimè, licet amarities, utpote magis prævalens, impetu majori semper feriat gustus organum, quàm stypticitas. Quapropter ne gratis omnino illam asseri à nobis quis credat, provoco ad documentum adstrictionis, ita vocat *Pechlinus in Theophilo Bibaculo, sive de Potu Theæ dialogo, p. 23.* solutionem Oli, utpote, quæ semper in atramentum facessit scriptorio

ptorio perquam simile, attactu adstringentis concreti ex regno Vegetabili. Tale verò quid cum CHINÆ-CHINÆ infuso contigisse, *tertio retro So abhinc*, aliâ licet occasione indicavi, aliis simul adductis experimentis, veritatem asserti probantibus.

XX. Absit tamen propterea credas, contrariis virtutibus gaudere Corticem, deoppilantibus scilicet, ratione amaroris, ita ut illæ attenuent resolvantq; viscidam materiam, morbi fomitem, quæ vulgatissima Doctorum est opinio, & adstringentibus, propter stypticitatem, à quâ humores rursus condensentur & constriquantur; quicquid enim agit hoc remedium, semper per adstrictorias atomos præstat, prout in subsequentibus fusius sum demonstraturus.

XXI. Ne verò tibi remaneat scrupulus propter amarorem, qualia concreta aliâs communi Authorum asserto, solventium & incidentium catalogo inferuntur, contrarium statim per Opium comprobari potest, quod amarum licet, nihilominus inspissare humores etiam in minutissimâ dosi, ex Catarrhorum tenuium curâ patet, quam hisce incrassantibus tollimus.

XXII. Audio equidem mihi objicientes, compositionem & analysin amari ad oculum demonstrare præsentiam virtutis cujusdam attenuativæ; componitur verò juxta *Willisium in tract. de animâ brutorum Cap. XII. de Gustatu p. 87. editionis Lugd. An. 1681.* ex Θ e cum Δ re per adustionem, resolviq; in hæc principia per destillationem omni horâ potest; ubi ergo Θ , ibi medicamentum resolvens.

XXIII. Sed plura longè mihi dubia obstant, quæ aurem dare his rationibus non permittunt. Cadit siquidem in quæstionem, num cuncta amara ex nominatis partibus conflentur, iterumq; in ista resolvi possint? pro negativâ militare mihi videtur famosum illud antihydricum remedium Crystallorum Lunæ titulo insignitum. Fiunt autem istæ Crystalli, ex argento purissimo in Aqua forti, aut rectificato Φ i Ω u soluto, ubi acidum hoc menstruum statim ac sufficientem quantitatem metalli in se suscepit, in amarorem abit, Absinthium, Gentianæ radicem, Colocynthidem, & quicquid demum hætenus sub hoc sapore notum fuit, superans infinitis parasangis; conferatur *Illustrissimus Boyle, Experim. & Observ. circa Mechanicam saporum productionem, experimento V.*

XXIV. Si urgeas & in hoc, quamvis singulari planè amaro concreto apparere vim resolvendi, ex Cathartica virtute, quam possidet, etiam in minutissimâ dosi assumpto. Respondeo non valere consequentiam; cum acidum in metallo concentratum, intestina stimulans, à virtute humores spissos resolvendi penitus differat, quod ex coagulatione sanguinis & feri, quibus tantillum hujus medicamenti admiscetur, indubitatè patet.

XXV. Sunt ergo hujus generis amara, quæ ex principio quodam Thino-acido exsurgunt, ad resolutionem & fusionem crassorum humorum prorsus inepta. Quod si verò idem de reliquis quoq; asseruero, paradoxa me loqui primo videbor intuitu illis, qui cum *Bauschio tr. de Hiera picra p. 172.* omnia amara, quorum catalogum *p. 169. & seqq.* recensuit, incidere, abstergere & aperire credunt. Nihilominus ad credendum id persuadeor firmiter, quod nullum viscidum unquam dissolvi posse viderim solis salinis amaricantibus. Fiat periculum, & adspargatur Taurocollæ, aliq; glutinoso concreto, amarum quodcunq; non dissolvetur unquam, nisi aquæ copiam necessariam admiscueris, quæ etiam sine amaro idem efficiet. Quod si tamen ab effectu, post amara deglutita, superveniente, h. e. evacuatione viscidumuci per quæcunq; emunctoria, argumentari tibi volupe sit, falleris egregiè, fallaciamq; secundum non causam ut causam committis, cum à stimulatione organorum unicè illa excretio, quod de prioribus amaricantibus in So præcedenti adstruxi, dependeat.

XXVI. Patefactâ nunc sufficienter texturâ ac virtute nostri febrifugi, transire ad modum agendi jubet ordo. Ante verò quam id fiat, cogor prius de Febribus, illarumq; Essentiâ, Differentiâ, Naturâ, Ætiologiâ & Therapiâ, præmonere aliquid in genere: omnia enim, quæ ad illarum explicationem accuratam pertinent, excutere, nec instituti fert ratio, nec chartarum angustia, quibus dissertationem hanc includere cogor.

XXVII. At enim verò, Eridis omninò pomum Essentiam februm deprehendo, tot, tantarumq; disceptationum in Scholis Medicis argumentum: cuncti enim penè superiorum seculorum Medici, præeunte *Hippocrate & Galeno*, illam in quâdam præternaturali caliditate; alii recentiorum cum *Helmontio*, in Archæi accensione, vel cum *Campanellâ* in pugnâ naturæ cum causâ mor-

bificâ

bificâ, aut cum *Hogelando* ac *Willisio* in sanguinis fermentatione præternaturali, aut cum *Cartesianis* in confusione liquorem vitalem constituentium corpusculorum, & dehinc præpedito materiæ coelestis motu, illam quærunt. Nec aliter de morbificâ causâ judicandum, modò enim bilem, melancholiam, ac pituitam, modò sanguinis putredinem, diversorum salium concursum, & exin oriundam ebullitionem, chyli crudioris cum massâ sanguineâ difficiliorem mixturam, aut sanguinis stagnationem cum modò adductis Authoribus. Conf. *Schelhammerus tr. de genuinâ febres curandi methodo*; aut cum *Mortono*, peculiare quoddam febrile venenum inculant.

X XVIII. Sed mittam ego cunctas has Doctorum opiniones, exhibiturus solum ea, quæ ex mente Excellentissimorum ac Celeberrimorum meorum Præceptorum, quos Lipsiæ quondam habui fidelissimos, sentiam. Faciam autem initium de differentiâ febrium, quas duplici sub capite dabo, scilicet ratione temporis Invasionis, & Symptomatum divisas. Respectu prioris, alia febris unius est diei, Diaria seu Ephemera dicta, alia plurium, & quidem nunc sine remissione ac novâ exacerbatione in *Συνεχῆ* seu Continente, nunc cum aliquali cessatione, novoq; insultu in Synocho seu Continuâ. Quodsi verò cum totali remissione paroxysmi ad tempus aliquot horarum, unius aut plurium dierum se sistat, vocantur intermittentes simplices, appellatione generali, in specie, Quotidianæ, Tertianæ ac Quartanæ. Sed dantur etiam intermittentes compositæ, duplicatæ, triplicatæ, & quadruplicatæ quatenus vel singulis diebus paroxysmi plus vice simplici isti recurrunt, vel quatenus diebus intercalaribus redeat febris, sic duplex tertiana, & triplex quartana non rarò quotidianam mentiuntur. Omnes autem illæ regulares vocantur, quamdiu vel præcisè ad clepsydram redeunt deferuntq; ægrum, vel anticipando tempus prioris paroxysmi, aut tardius accedendo, nihilominus consueto more vexant ægrum. Quandocunq; verò nullâ determinatâ horâ redeunt abeuntq;, adeò etiam ut nunquam tempus febrile accuratè sciant ægri, Irregulares & Erraticæ audiunt.

X XIX. Quoad Differentiam febrium ratione Symptomatum dantur, (1) quæ solo frigore ægris sunt molestæ, (2) quæ calore

lo affligunt, (3) ubi tempore paroxysmi externa frigent, interiora calore aduruntur, (4) in quibus æstus & frigus simul, & eodem tempore vexant ægrum, (5) quatenus nec æstus aut frigus sensibilibiter molesti, sensim tamen tabem afferunt decumbentibus, (6) ubi post partum imprimis calor insuetus in corpore sentitur, de nocte sudorem excitans copiosissimum, nutritivamq; substantiam penitus consumentem, (7) in quibus prostratio virium insignis, Cardialgia, Inquietudo, æstus plus minus manifestus, nunc cum cephalalgia & amentia, nunc cum maculis aliisq; exanthematibus & eruptionibus cutaneis, bubonibus puta, carbunculis & vibicibus se sistunt: quibus singulis nomina sunt data propria. Audiuntur (1) Algida, (2) Caulodes five ardentes, (3) Leipyria, (4) Epiala, (5) Lentæ, (6) Hectica, (7) Malignæ, nunc simplices, nunc Hungaricæ seu Castrenses Petechiales, Purpuratæ, aut Pestis. Reliquas ab aliis symptomatibus, cum *Sylvio* desumptas differentias febrium, v. gr. Tussiculosas, Arthriticas, Famelicas, Cacatorias &c. omitto, ne præter necessitatem in infinitum morbum hunc multiplicemus.

XXX. Quod Essentiam febrium attinet, existimo in motu præter naturali principii vitalis five Spirituum, unice illam esse quærendam. Quemadmodum enim ab horum influxu placido, ac æquali, efficienter omnis, tam solidarum, quam fluidarum partium, ad vitæ conservationem necessarius motus dependet, unâ cum calore vitali, qui ex motu harum partium tranquillo unice exsurgit; ita si deficit aut excedit nunquam non effectus morbosus tam in motu harum partium, quam consequenter in calore illo naturali notatur, dum iste vel imminuitur, vel augetur. Patet hoc ipsum ad oculum in animi pathematibus gravioribus, præprimis terrore, & irâ, utpote in quibus pro diversitate exagitationis spirituum nunc faciei pallor, artuum rigiditas, tremor, frigus &c. aut oculorum ac faciei fulgur, & rubedo, calorq; manifestò auctus &c. observari potest.

XXXI. Probabile ergo mihi ex his animi pathematibus effectibus, dum in principio paroxysmi febris intermittens spiritus exteriora corporis, imò quandoq; & interiora viscera ad tempus deserunt, vel saltem in illarum fibras motrices tremulo motu influunt, lassitudinem illam, pandiculationes, oscitationes, horrorem, trepidationem, pallorem, pulsum debilem, spirandi difficultatem,

tatem, nauseam, vomitum, reliquaq; symptomata, quæ paroxysmum præcedunt, aut circa ejus invasionem simul occurrunt, oriri. Quando verò in progressu paroxysmi, ejusq; summo gradu, alium in motum nempe concitatum & impetuosum rapiuntur spiritus, cessantibus modo nominatis symptomatibus, alia, planè prioribus contraria, superveniunt, calor puta auctus, pulsus magnus, & vehemens, sitis, anxietates & inquietudines, cephalalgia, hæmorrhagia, &c. à quibus vexatur æger, usq; donec & isti fluctus, quos Turbo hicce spirituum concitaverat, superveniente sudore fugiant & evanescant, redeatq; corpori rursus serena ac clemens aura Vitalis.

XXXII. Similiter & in malignis febribus, cujuscunq; etiam istæ fuerint indolis, primariò laborare Vitale hoc principium, quamvis alio modo, credibile est. Puto enim in Spiritibus charactere meticulofo ac terrifico insignitis omnem omninò famosam malignitatem latitare, cum ex hoc fundamento, illis ad partes non liberè influentibus debilitatem corporis summam, ac inquietudines in præcordiis, spasmos seu dolores cardiacos, & lipothymiam, in corde palpitationem, cum pulsu debili ac raro, deducere quàm optimè valeam. Et ne gratis hæcce à me dici putes, provoco ad timorem, metum & desperationem ex aliis occasionibus in nobis excitatas, utpote à quibus cuncta jam enarrata symptomata ordine excitantur, modo gravia fuerint, firmissq; impressa spiritibus hæcce pathemata.

XXXIII. Non equidem me latet, quæ nunc de febribus benignis & malignis in genere adduxi, singulis ipsarum speciebus strictè applicari vix posse, cum non solum ratione temporis, invalescentiæ, status, & declinationis, verum etiam temperamenti sive constitutionis uniuscujusq; ægrotantis, errorumq; in usu sex non naturalium rerum commissorum, singuli penè paroxysmi diversi appareant; nihilominus propterea nil decedit naturæ & essentiæ illarum, quamvis sub hac aut illâ larvâ appareant, quod facile per varia exempla, nî propositæ brevitatis essem memor, ulterius posset deduci.

XXXIV. Pergo itaq; ad causas insolentis hujus motus Spirituum examinandas, quas tam in ipsis Spiritibus, quàm in fluidis ac solidis partibus deprehendo. Spiritus (quos ab Aristotelicorum

sensitivâ ac vegetativâ animâ nil prorsus differre puto) cùm ipsum sint sensationis principium, ab objectis externis in sensoriis affecti, varias dum fuscipiunt ideas, & circa illas versantur, quid mirum si ex improvîso videant febricitantem, horrore subsultantem, vel alio symptomate vexatum, aut si miasmata febricitantis nauseosa, ad nares adstantis ferantur, exinde febrilem ideam imprimi ipsis nauseantibus?

XXXV. In humoribus plures uti reperiuntur causæ, ita frequentius etiam occurrunt in praxi, adeò ut propterea ab Antiquis pariter ac quibusdam Recentioribus in his vitiatis unicè culpam mali quæri constet. Nihil verò refert, five quantitate, nunc excedente aut deficiente, five qualitate pravâ, h. e. acrimoniâ, visciditate, tenuitate &c. five motui peccent, dum partibus præter naturam incuneati stagnant, vel rapidiori quàm par est cursu, per corpus feruntur. Semper namq; dum motui illorum circulari vel solidis etiam simul partibus, remora injicitur, aut injuria infertur, ægrè id ferunt Spiritus, & ad seditionem hujusmodi intestinam provocantur.

XXXVI. Nec aliter se res habet de solidis partibus, quas modò ab humorum labe injuriâ affici, dixi. Obstruuntur enim ab his, extolluntur in tumores, vellicantur, eroduntur, relaxantur, aliaq; plura patiuntur damna. Sed non à solis humoribus molestiæ hæ inferuntur; habet etiam aër multum culpæ, intemperie suâ ipsis infensus, id quod ii e. gr. experiuntur, qui frigidiori auræ æstuans corpus exponunt incautè. Omnium verò manifestissimè nocent, quæ unitatem solvunt, aut saltem dolores exquisitos excitant, ab illis enim febres oriri vulnerarias ac alia symptomata lippis & tonsoribus notum est.

XXXVII. Ex his itaque præmonitis ultrò nunc patet cuncta febrifuga triplici potissimum capite esse talia. *Primò*, quatenus in ipsos agunt Spiritus, illisque eximunt Ideas illas peregrinas, alias contrarias imprimendo, quorsum pertinet Ira, Gaudium, Terror, item Purgantia, Vomitoria, Diaphoretica, Vesicatoria, & pleraq; Amuleta, vel saltim remoram injiciunt ipsis tumultuantibus, quorsum Narcotica, aliaq; *Helmontio* dicta Sedativa Archæum, referri debent. *Secundò*, curant febres, dum causas morbificas vel evacuatione aut alteratione remonent. *Tertiò*, Antifebrilia sunt, quæ symptoma-

ptomatibus primum illis primariis, horrori puta ac æstui, aliisque exin resultantibus, succurrunt.

X X X V I I I. Quodsi nunc quæramus, ad quam classem pertineat noster Cortex, facilis esset responsio, si à *Roch Cassato & M. Minot de la nature, & des Causes de la fièvre*, decantata virtus Narcotica in illo occurreret, cujus ope in motu irregulari sisti spiritus, adeoque ex hoc principio curari febres dici possent. Verum, cum nullus torpor, somnus, aliudque symptoma superveniat usum ejus, qualia alio tempore solenniter post hujus generis adhibita medicamenta subsequi solent, meritò de hâc operandi ratione dubitamus. Risum hinc potius, quàm imitationem meretur, cautela cujusdam Practici celeberrimi, qui ad evertendam & corrigendam nimiam Narcosin à CHINA-CHINÆ metuendam, nunquam nisi cum pulvere foliorum Theæ ipsam præscribit. Multo minùs ac si aliam Spiritibus imprimat ideam credibile est; nullâ enim in regione corporis sentiunt ægri molestiam, aut alterationem manifestam, etiamsi largâ in copiâ devoretur medicamentum hocce. Et licet quandoque vomitum sequi, aut alvi solutionem, aut diaphoresin, annotetur in praxi, minimè tamen febrifugo per se id imputandum, sed alicui accidenti, h. e. vel nimium delicatis stomacho ac intestinis, vel vehiculo cum quo datur, vel tempori, aut motui critico, vel humoribus primas vias occupantibus. Simili omninò ratione, ac à Vino, aut Cinamomo vomitus, ac dejectiones, & ab emulsione quatuor Seminum frigidorum majorum, in paucissimâ dosi datâ, largissimam diaphoresin quandoque excitari annotamus, *vid. quæ habet Morton. loc. cit. p. 141.*

X X X I X. Hæreo ergo inter prioris classis Antifebrilia Corticem referre nostrum, qui forsan in secundam classem commodius poni potest. Ita equidem sentiunt, qui præcipitare ipsum acidosis præter naturam humores, febrium causas, putant. At enim verò, cum ficta tantum hæc virtus fuerit, effectus ab illa sperari nullus potest: *vid. quæ §. 15. & seqq. monita sunt.* Nec alia opinio est illorum, qui cum *Rolando Sturmio P. 2. p. 36. & Honorato Fabro tr. de plantis L. 11. p. 172.* operationem quærunt in vi dissolvente corticis, amaritie ejus in acceptis ferendâ, à quâ putant causam febrium, massæ sanguineæ innatantem colliquefactam, postmodum pro aptitudine, nunc per intestina, urinam, sudores, & in-

fenfilem transpirationem educi. Sed cum falsissimo fundamento, amara scil. cuncta vi attenuativâ esse prædita, innitatur hæc sententia, ipsumque medicamentum non nisi ex accidenti evacuet, uti §. *præcedenti* dictum, neque hi assensum merentur.

XL. Sunt alii, quibus fermentationis nomen usque adeò arridet, ut functiones naturales cunctas non secus ac morbos, adeoque & febres à fermentis dependere doceant. His itaque probabile videtur, febrile hoc fermentum à nostro Cortice absorberi, figi, concentrari, coërceri, destrui, verbò : ita mutari, ut omnem activitatem, nocendique vim amittat. Et huic opinioni ad hæerere video quamplurimos Medicos, qui ab *Helmontij* ætate, usque ad hæc nostra tempora, in quæ occasus incidit adeo celebratæ hypotheseos, de viribus *CHINÆ CHINÆ* literarum monumentis quicquam consignarunt. E tanto verò numero sufficiat nominasse *Hoffmannum in Clave Pharmacenticâ*, *Ettmullerum de præcipitantium usu* & *abusu*, *Protospatarium in Epist. ad Badum*, *D. Monginot. tr. de Curat. febrium*, *D. Jones*, & *Lanzonum in observ. p. m. 368.*

XLI. Sed uti hi extingui credunt fermentum febrile, ita *Willisius* insuper sanguinis naturalem fermentationem, à febre hæctenus inhibitam excitari, per *CHINAM-CHINÆ*, sicque restitutâ sanguini activitatē pristinā, è solo ejus motu præcaveri, ne materia excrementitia congeratur iterum, aliàs facilè ad paroxysmum febrilem dispositura denuò corpus.

XLII. Ita nimio amore hujus opinionis capti Clarissimi hi Viri, non considerant plus tribui medicamento, quam perficere unquam potest. Quod si enim, uti sufficienter in præmissis ostensum, non alcali in se habet, neque ratione amarorum resolvere potest, impossibile omninò est, unum figat, alterumque excitet fermentum. Taceam ipsa fermenta ob defectum requisitorum, ad fermentationes Chymicas aliàs summè necessariorum, non minùs quàm ob producti seu finis fermentationis absentiam, aliaque insuper plura argumenta hodiernis admodum videri suspecta. vid. quæ *Job. Alphonsus Borellus tr. de Motu animalium* contra afferat argumenta, & *Waltherus Charleton in Anatomicarum Lèctione prima Of the motion of Blood, trough de Veins and arteries.*

XLIII. Recens magis est *Thome Donzelli* & *Protospatarii*, ab Authore tractatus, *febris CHINA-CHINÆ expugnata in notis ad p. II.*
alle-

allegata sententia, quæ à *Richarto Mortono Exercitatione de Morbis universalibus acutis* strenuè quoq; defenditur, operari scil. Medicamentum nostrum, ut antidotum contra venena, extinguendo nimium venenatum hoc febrile fermentum, quod priores in stomacho stagnare, ultimus verò massam sanguineam occupare fingunt. Non diffiteor doctum satis esse discursum *Mortoni*, quem fundamenti loco, *tr. alleg. c. VIII. p. 147. seqq. de Venenis* ad comprobendam hypothesein, de alexipharmacâ Corticis virtute præmittit: nihilominus cum toxici febrilis naturam explicare non valet, non satisfacere eruditæ naturæ scrutatoribus potest, decisionis loco solùm afferens, miasmata venenata febrem constituentia à viribus CHINÆ CHINÆ alexipharmacis deleri. Non enim ipsum liberat ab insufficienti explicatione dogmatis hujusce novi, quod paucis interjectis lineolis addit, his verbis: *De iis, quæ extra Sphæram sensuum sunt posita ratiocinari, quid aliud est, quam eruditè delirare.* Si namq; perpetuæ veritatis axioma hoc ipsum foret, deliraret universus sapientum orbis, imò & ipse Author, alexipharmacum dicens Corticem hunc.

XLIV. Valeant itaq; & illi, qui adversus morbificas febrium causas inservire Corticem hunc autumant. Superest ergò solùm tertia Antifebrilium classis examinanda, à quibus scil. symptomata hujus morbi mitigantur, ac curantur, videndumq; num forsitan ad illam pertineat cortex? quam opinionem omnium probabilissimam mihi imaginor. *Imaginari autem quandoq; causas, à quibus effectus propositus produci possit, satis est,* effato incomparabilis *des Cartes, Epist. 113. P. II.* sub quo scuto, si mea hæc conjectura non omnibus arriserit, tutus delitescam.

XLV. Puto ergò non solùm humores corporis nostri ad motum illum irregularem sustinendum, à quo maximam partem horror & calor, primaria illa febrium symptomata, dependent reddi ineptos usu corticis, verùm quoq; ipsos tubulos tam circulationi humorum, quàm vitali principio inservientes, quodammodo angustari, & ad admittendum ulterius illorum influxum tumultuarii fieri incapaces; simulq; sic reliqua cuncta, quæ exinde aliàs oriebantur symptomatum symptomata, nunc saltem imminui, sæpè verò penitus tolli. E quibus effectibus postmodum febrem omninò, quamvis falsò, sublatam credimus. Præstari autem omne

id à nostro remedio posse, ipsius stypticitas & adstrictoria virtus prolixè in antecedentibus adstructa, suspicari me facit.

XLVI. His fundamenti loco suppositis, ne fabulas me narrare de inspissatione sanguinis & constipatione tubulorum aliquali per CHINAM-CHINÆ videar, provoco ad experientiam. Scilicet affundatur sanguini recenter ex Venâ extracto aliqualis copia decocti hujus Corticis calida, nigrescet in momento ad sensum crassifactus cruor; quodsi verò cum lacte idem tentes, casescere illud conspicias ex tempore. Et licet mihi contradicere videatur propter egregia sua observata microscopica per universum orbem *famosus Leeuwenhækius, in continuatione Epistolarum ad Regiam Societatem Londinensem missarum p. 119.* ab infuso hoc guttæ sanguinis commixto, omnes ejus globulos dispersos adeò fuisse visos referens, ut sex tales globuli unum naturalem confecerint; fieri tamen id potuit, ab aquâ simul cum Corticis atomis sanguini admixtis. Minimè verò mihi contrariari ejus observationem, sed potius illam probare docet glutinosa ac gummosa substantia, quam in inspissato ad aërem infuso vidit. Favent etiam globuli illi sanguinei ad marginem reliquorum coagulati, itidemq; quòd observaverit, dictum infusum Spiritu Vini unitum statim inter se coagulasse exiguas sanguinis particulas, ut in calcosam (ita loquitur) transformatæ fuerint subitò materiam.

XLVII. Quoad constipationes tubulorum per Corticem nostrum, confirmatur illa à priori, quod flexiles sint illi canales, in quibus fluctuant humores, & impetum facientes partes, rigida verò ac hamosæ atomi CHINÆ-CHINÆ, & à posteriori, quod Vulneribus inflictis styptica remedia ad oculum contrahant, corrugentq; vasa ista. Quid impedit ergò à styptico hoc Cortice non sola sanguinea & lymphatica vasa, verum quoq; poros partium, imò & Nervorum tubulos roborari, tali constrictione, & à nimia relaxatione, quâ antehac vel ob solum impetuosum influxum vitalis principii ac sanguinis, vel ob alias causas magis remotas laborant, eo ipso liberari & ad statum naturalem sic reduci.

XLVIII. Hæc si mihi dentur, concipi facile potest, quomodo vel paroxysmus febrilis penitus cesset, vel saltem ejus gravissima & urgentissima symptomata, calor scilicet & frigus, sufflammentur ac mitigentur. Videmus enim, si Spiritu Vini, aliove ad-

flui-

stringente liquore inungantur prius membra, inclementia aëris frigida aliquandiu exponenda, quod per manifestam temporis moram omnem eludant frigoris impetum, quem alia membra non hisce inunctionibus prævinita, interea molestissimum experiuntur. Quod verò æstus attinet, referunt, qui historiam nostri Corticis naturalem describunt, incolis soli ejus natalis in more esse solemni, à radiorum solarium æstu caloreq; exin dependente, quantitate aliquâ hujus Corticis devoratâ se defendere, quod ipsum quoq; æstivo tempore his nostris oris, felici effectû tentatum esse recordor.

XLIX. Et ne scrupulus remaneat ullus, probationis ulterioris loco, provoco ad alia, eaq; sæpius experta antifebrilia remedia, quorum virtus pariter in adstrictoriis unicè abscondita latet particulis. In vulgus notum est, ab assumptâ Nuce Moschatâ, & anaticâ quantitate Aluminis crudi, infinitas quotidie curari febres. Ex Alumine crudo, & Magisterio sanguinis Draconis paratur antifebrile Mynsichti, in quartana, ut refert, miranda præstans. Radicis Tormentillæ, Bistortæ, Iridis lutei, Pentaphilli, Corticis quercûs, Arillorum fructuum Cynosbati &c. vis febres fugandi milles experta est. Quæ *D. Alardus Cumenus in M. N. C.* de stercoris suilli (extra controversiam remedii adstringentis) antifebrili virtute, prolixis verbis recenset, favere etiam videntur huic nostræ hypothese. Succus Cardui benedicti, Absinthii, Centaurii minoris, pulvis Radicis Gentianæ & Ligni Colubrini, non aliâ ex ratione titulum febres pellentium remediorum, quàm ex stypticitate sibi acquisiverunt. Novi à quodam Chymico $\frac{1}{2}$ ium $\frac{1}{2}$ tum in minimâ dosi datum, pro arcanissimo haberi febrifugo. Imò si huc quoq; retulero Spiritus Vini usum, à quo nunc solo, nunc cum pipere aut semine Nasturtii ante paroxysmum sumto, toties de fece vulgi homines liberantur ab insultibus intermittentium, non aberraturum me à scopo veritatis suspicor, cùm manifestò constringat vasa sanguinea. Hinc etiam inter styptica refertur remedia ab *Excellentissimo Bobnio Professore Lipsiensi Celeberrimo in Artis Eruditorum Lipsiensibus Anno 1683. mense Aprili.* Unde quoq; quod obiter noto, est, quod tempore æstivo haustus Vini Spiritus, sanguinis fervorem, sitimq; exin oriundam, adeò feliciter compescat, fallatq;

L. Cunctis tamen his aliisq; hujus generis pluribus adstringentibus medicamentis antifebrilibus (quæ ordine recensere nimis esset prolixum) extra controversiam præripit palmam CHINA nostra CHINÆ, dubio sine ex suâ singularissimâ texturâ, quæ talis videtur, ut à conjunctis amaricantibus avelli se non patiatur, nec in stomacho nec in intestinis, dum per peristoma illud villosum transcolatur Chylus, sed firmiter conjuncta, & quasi conferruminata maneat, etiamsi in sanguine jam jam hærens circulari ejus motu, toties per corpus agitetur. Secus ergò accidit nostro Cortici styptico, quod aliis congeneribus concretis familiare admodum est, quæ in primis viis statim dubio sine ob crassitiem & corpulentiam nimiam, dum intra poros adeò angustos admitti non possunt, deponunt has adstringentes atomos, nuncq; tubulos intestinales coarctant, ac stringunt, excretionemq; fecum eo ipso intercipiunt. Non malè ergò, quod *Helmontius in tr. Blas. Humanum §. 40. p. m. 179. edit. Francofurt. de alcalibus* asseruit, esse scilicet inter ipsa rem quasi publicam, de adstringentibus adstruo, scilicet ipsorum discrepantiam & differentiam notari egregiam, CHINAM verò CHINÆ omninò singularissimam esse.

LI. Possem ulterius hujus hypotheseos probationis gratiâ ex aliorum morborum curâ desumptâ effectum prædictum probare, nî metuerem, nimium me futurum in re adeò evidenti. Duplicem tamen observationem præterire non possum, egregiè meæ sententiæ faventem. *Sydenham* jam olim de Curâ Podagræ antipodagricis accensuit remediis Corticem nostrum, & recordor aliquoties feliciter in simili morbo adhibitum esse illum, ex *Bohnio Lipsiensi Celeberrimo* me audivisse. In quâ curâ dubio sine, tam nimium resoluta, spiculisq; salinis turgida Massa sanguinea, quàm vasorum, nervorumq; tubuli quodammodo constringuntur, unde postmodum symptomatis adeo urgentis, doloris puta cessatio. Nam ab hujus generis remediis externis prudenter adhibitis, non paucos liberari ad tempus, ab insultibus atrocissimis podagricis, frequens docet experientia. Altera observatio à Dysenterici curâ desumpta est. Celebrat in illâ præprimis cum febre conjunctâ, egregiè nostrum Medicamentum *Morton* in suâ *Pyretologiâ*, & antequam lucem viderat publicam tractatus iste, idem ab *Excellentissimo D. Christiano Johanne Langio, Medico Lipsiensi felicissimo, Præceptoreq; meo* quon-

quondam fidelissimo, cum successu felici adhibitum fuisse, plus vice simplici, his auribus hausi Ejus ex ore. Iterum tamen nunc, si in rationem operationis inquiram in humorum aliquali coagulatione, & tubulorum constrictione illam reperio, præprimis cum dysenteria æstiva sæpissimè symptoma solummodo febris, non prout communiter putant, causa ejus deprehendatur.

LII. Ex dictis nunc sponte fluit, non in omnibus indifferenter febribus convenire CHINAM CHINÆ, prout rudis Empiricorum coetus sibi ineptè persuadet. Cave hinc tibi, adhibeas illam in malignis febribus, ex sanguinis spissitudine aut coagulatione ortum trahentibus, aut, quando per peripheriam corporis, excretiones morbificæ materiæ molitur natura; vel in quibus tristi, terrificâ, ac meticulosâ idéa spiritus sunt characterisati; stares enim contra naturam, cujus tamen ministrum Medici titulo profiteri cupis. Nec ausim suadere illam in febribus continentibus & continuis, utut benignarum titulum gerant, in specie si ab inflammationibus aut obstructionibus oriantur. In intermittentibus ergò maximè proficiuus est Cortex noster, imprimis quæ cum horrore aliquali paroxysmi sumunt initium.

LIII. His de febre observatis, de tempore exhibitionis aliquid dicendum, in quo discrepant rursus Authores inter se. Schemula Romana, quæ Italico Idiomate retro triginta & ultra annos omnium primò, de hoc pulvere ejusq; virtute & modo utendi aliquid patefecit, quamq; Chiffletius, & ex eo Jonquetus in horto suo Parisiensi in latinam transverterunt linguam, jubet, ut incipiente horrore, vel saltem quando ejus accessus percipitur, detur. Talbotius, Medicus ille circumforaneus famosus, sub finem exacerbationis febrium, inchoante sudore propinabat, ad cujus imitationem, non paucis Medicis in usu hodiè adhuc est, dare ægris CHINAM-CHINÆ: conferatur tr. de remedio Anglico, pro curatione febrium à Nicolao de Blégny publici juris factus, p. m. 25. Utrumque tamen consilium non arridet omni ex parte: facile enim circa invasionis initium datum ad vomitum invitat nauseabundos jam jam ægros, in ipso autem paroxysmo adhibitum, dum effrenato nimium spirituum motui resistit, graviora longè non rarò excitat symptomata, quale exemplum *Observationes ex Adversariis Domini d' Aquin, circa methodum Talbotii deductæ*, de Serenissimo Delphino

loquuntur, qui in paroxysmo sumto remedio diarrhoeam insignem contraxit. vid. *Blegny l. c.* Magis proinde conveniet tempore apyrexiae propinare illud, ita tamen ut bis vel ter illâ die assumatur juxta *Lanzonum, in obs. p. 368.* vel quartâ quoq; horâ juxta *Mortonum l. c. p. 180. & passim.* Datur namq; interea medicamento debitum spatium, sine turbâ aliâq; corporis molestiâ, expediendi suam operationem.

LIV. Pergo jam ad determinandam quantitatem Corticis, quæ ad abigendam febrem necessaria est, in quò puncto iterum non convenire Doctores observo. Schedulâ namq; modò citata Romana, drachmas duas sufficere dicit adultis, minorem junioribus; sed hodiè rarius hâc dosi curatur amplius febris, quin monente *Domino Monginotto, de la Guérison des fievers par le Quinquina, & Mortonno loc. cit. p. 174.* ad unciam unam, & nonnunquam ad secundam & tertiam ascendere sit necessum. Cumq; nimia hæc quantitas vel solùm audita deterrere possit ægrum, partitis vicibus, singulisq; tribus aut quatuor elapsis horis dando drachmam unam alteramve, quamdiu à paroxysmo liber est ægrotans, commodissimè exhiberi potest.

LV. Quamobrem verò nostrâ ætate adeò augeri debeat dosis medicamenti, nullam crediderim aliam subesse causam, quàm quod vel planè adulterinus, vel saltim obsoletus ac iners Cortex, in officinis hodiè, ut plurimum reperiatur, in cujus scilicet unica vix tantum delitescit virtutis, quantum olim in drachma. Selectus itaq; faciendus est quam studiosissimus Corticis, ne, si non sequatur effectus desideratus, in Medicum cadat culpa. Diligentissimè verò annotavit Criteria cuncta genuini Corticis æquè ac obsoleti, & adulterini, sæpius citatus *Morton. p. 171.* Genuinus scilicet colorem Cinamomi præ se fert, saporem jucundè & aromaticè amarum, odorem spirat peculiari modo mucidum, suavem nihilominus, gratum ac aromaticum, dentibusq; attritus friabilis est. Effæctus verò ac annosus omni odore & amarore destituitur. Adulterinus deniq; nunc nigricans, injucundè amarus, acerbus, viscidus, & glutinosus observatur. Aliud signum certum & distinctissimum veri Corticis suppeditat *Walter Harris in Pharmacologia Antiempyrica, Anglico idiomate c. XII. p. m. 189.* quod hic quoq; commemorari debet. Jubet, ut ad solis radios splendentes frustra Corticis diffracta inspiciantur,

quæ:

quæ si genuina fuerint, splendescentes Nitri adinstar crystallisati atomos intus ostendent copiosissimas, in spurio & obsoleto omnino deerunt.

LVI. Devenio nunc ad modum utendi: Schedion Romanum jubet, ut tribus horis antè usum quantitas determinata in Vino albo infusa exhibeatur, sub quâ formulâ *Talbotius* etiam suum propinavit medicamentum, quamvis ad fucum faciendum, & colorem non minus, quàm saporem ejus immutandum, addendo infusum Rosarum provincialium, aut succum Absynthii, foliorum Apii, Plantaginis, Lactucæ, Limonum, Pentaphylli, Tussilaginis &c. vel loco vini Rhenani, Malvaticum substituendo, aliam aliamve ejus reddere faciem, colorem, & consistentiam solitus fuerit, annotante id *Domino d' Aquin, in observationibus ad dictum medicamentum*. Hodie cum sub pulveris formâ, vix propter copiam nimiam ingratumq; saporem assumant febricitantes, commodissimè sub Decocto, Julapio, Bolo, Electuario, aut Pilularum, Extracti, vel Tincturæ &c. formâ exhibetur, prout scilicet hæc aliæq; ex his formulis ad ægri palatum observatur. Certum tamen est, nunquam magis optatum effectum, quàm si in substantia exhibeatur, esse expectandum, prout rectissimè monet *cit. Harris p. 191.*

LVII. Sed licet cuncta hæc observes, ut plurimum tamen redit iterum paroxysmus, mutatus licet ab illo, qui prægredebatur, h. e. nunc per longum magis tempus protrahitur, alio verò tempore fit brevior, aliisque horis symptomatibusque stipatus sistit. Videns hæc, bono esto animo, nam audacter tunc pronuntiare poteris aut ultimum omnino hunc, aut saltem subsequentem paroxysmum mitissimum futurum, cum ex his figuris exoptata operatio medicaminis clarissimè effulgeat. Quod si verò vel statim cedat febris, post primam vel etiam reiteratas exhibitiones, equidem tunc habes, de quo sibi tibi que gratuletur æger; ast gaudia hæc ut plurimum sunt brevissima, cum admodum frequenter post sextum, aut septimum paroxysmum inhibiti recidiva superveniat, infelicem scenam non raro ludens. Et quid mirum redire febrem, cum à Medicamento hoc non causa ejus tollatur, sed symptomata solùm, uti demonstratum, sufflammentur? licet ergo iterum iterumq; datâ unâ vel alterâ dosi febrifugi expellas morbum, tamen usque recurret: ita ut à *Mortono* vige-

lies.

nes licet expugnatam, nihilominus semper recollegisse, annotatum legas.

LVIII. Quid ergò ad hæc Medici? Quidam ex illis vomitoria, alii purgantia, clysmata, diaphoretica, omnisque generis alterantia porrigunt ægris, alii venam secant, vesicatoria applicant: verbo: occupatissimi sunt remove causas continentes febris. Quam intentionem optimam licet non ex toto improbem, utpote rationi admodum conformem, de irritò eventu tamen ut conquerantur, symptomatum exacerbatio, febrisque immorigera indoles ipsos sæpè numero cogit. Quare nisi indicantia adsint evidèntia, missis his omnibus suaserim potius, continuare usum antifebrilis hujus remedii ad aliquot insequentes dies, hebdomadas, aut menses, donec scilicet mutatâ anni tempestate, noxios humores ipsa natura concoquere vel evacuare possit.

LIX. Inculcat hanc cautelam practicam verbis toties adductus *Morton*, experièntiâ edoctus, à Medicamentis catharticis (quæ tamen ut plurimùm pro repurgandis residuis sordibus primarum viarum à febribus relictis adhibentur) juxta ac aliis evacuantibus, aut saltim sanguinem in nimium motum rapientibus, quàm certissimè revocari paroxysmos. Hinc unicè prophylæxeos gratiâ repetitam Corticis exhibitionem commendat, ita tamen ut non tam largiter ac frequenter, ut antehâc, sed post intervallum octo dierum bis terve tantùm, donec Luna stadia sua semel iterumq; decurrerit, sumatur. Intereà verò, ut errores omnes circa sex res non naturales, sanguinem nimium attenuantes, evitentur sedulò, indicari debet ægro.

LX. Atq; hæc de CHINÆ-CHINÆ virtute antifebrili, exercitii gratiâ, dicta sufficiant. Nihilq; nunc magis exopto, quàm ut dexterrimè accipiatur hicce meus qualis qualis conatus, cum ultrò agnoscam, quàm curta mihi sit supellex. Hâc Tuâ Benevolentia fretus, Lector Amice, nunc acquiesco, atque D'E O, Ter Optimo, Terq; Maximo, quod has meas primitias, Sacro-Sanctæ clementiæ suæ aurâ adspirare voluerit, Laudes & Honorem devotissimo cultu retribuo. Sit nomen EJUS benedictum.

Gloriaq; Ipsius, nullus unquam

F I N I S.

